

文淵閣

四庫全書



影印

文淵閣四庫全書

第一一九九冊

北京出版集團公司  
北京出版社

# 本冊目次

|       |       |       |       |       |       |       |       |
|-------|-------|-------|-------|-------|-------|-------|-------|
| 養吾齋集  | 存悔齋稿  | 雙溪醉隱集 | 東庵集   | 白雲集   | 畏齋集   | 默庵集   | 雲峯集   |
| 元劉將孫撰 | 元龔璚撰  | 元耶律鑄撰 | 元滕安上撰 | 元許謙撰  | 元程端禮撰 | 元安熙撰  | 元胡炳文撰 |
| ..... | ..... | ..... | ..... | ..... | ..... | ..... | ..... |
| 一     | 三三三   | 三五五   | 四九三   | 五二九   | 六〇九   | 七〇七   | 七三五   |

欽定四庫全書

集部  
養吾齋集卷二

詳校官中書臣徐志骨

侍讀臣孫球覆勘

膳錄貢生臣王穀  
膳錄監生臣王人作

欽定四庫全書

集部五

提要

養吾齋集三十二卷

別集類四元

臣等謹案養吾齋集三十二卷元劉將孫撰

將孫字尚友廬陵人辰翁之子嘗為延平教

官臨汀書院山長辰翁已以文名於宋末當

文體冗濫之餘欲矯以清新幽雋故所著書

多標舉纖巧而所作亦多以詰屈為奇然蹊

欽定四庫全書

養吾齋集  
提要

逕獨開亦遂別自成家不可磨滅將孫濡染

家學頗習父風故當日有小須之目吳澄為

作集序謂其浩漸演迤自成為尚友之文如

蘇洵之有蘇軾曾以立序則謂淵源所自淹

貫千古今觀其感遇諸作效陳子昂張九齡

雖音節不同而寄托深遠時有名理近體亦

多佳句序記碑誌諸文雖傷于繁富字句亦

間涉鈞棘然叙事婉曲善言情款具有其父

之所短亦未嘗不具有其父之所長又宋元之際故老遺民如胡求魚聶濟之間學趙文劉岳申之文章郭汝介涂世俊之孝行多不見於他書獨是集能具其顛末亦頗賴以傳至所云歐蘇起而常變極於化伊洛興而講貫達於粹然尚文者不能暢於理說理者不能推之文其言深中宋人之弊又云時文之精即古文之理韓柳歐蘇皆以時文擅名其後為古文如取之固有皇甫湜樊紹述尹洙穆修諸家寧無萬字妙句幽情苦思所以不得與韓歐並時文有不及焉故也其言尤足以砥高語奇古而不能文從字順之病雖所作不盡踐其言要不能不謂之通論也據曾以立序四十卷而自明以來罕見藏弄惟周南瑞天下同文集首有將孫序一篇中錄其文一篇顧嗣立元詩選僅載其詩一首蓋亡佚久矣

今採永樂大典所載輯為三十二卷以脩文章之一格亦歐陽修偶思螺蛤之意耳乾隆四十六年九月恭校上

總纂官<sub>臣</sub>紀昀<sub>臣</sub>陸錫熊<sub>臣</sub>孫士毅

總校官<sub>臣</sub>陸費墀

原序

惟天下之公言為不容泯而世之為論至久而後定則人心之始蔽於其私也古文自先秦以來漢推司馬班揚唐稱韓柳宋數歐蘇此天下之公言也而揚子雲自謂五百年乃有知吾玄者韓昌黎集叙云時人始而驚中而笑且排終而翕然隨以定蘇子瞻叙六一居士集亦言世之不悅者諱而攻之能折困其身而不能屈其言嗚呼古今文章議論至子雲韓歐猶不能使人言之

欽定四庫全書

原序

必無蔽於其私然卒亦莫能以掩其所不容泯者是故賴有君子之論也廬陵自歐陽文忠公倡古文為學者師後百有餘年而殿講巽齋先生太博須溪先生相繼以雄文大筆擬於歐盡常蘇盡變由是海內之推言文章者必以廬陵為宗先生為須溪先生家督天才宏濬蚤從嚴侍留古心丞相昭文館已喧百寮誦佳句為時文輒翹然度越流輩淵源所自淹貫千古故先生之於文渾浩變化長驅直遂濤驚浪駭虎躍龍騰有傾河倒

海之勢而來者望洋不可涯溪同時宿學知名之士雅

相推讓必經論著共謂此須溪氏之文也四方慕一言以自異者必相與謀曰非廬陵先生而誰歸閒居終日更請交謁未嘗經意停筆而原理道性數典考文連引古今證據經史譬之化工隨物賦形各極痛快又未有不靡然服也夫攢眉擁鼻血指嘔心披揀之而獲寸金組織之而成碎錦此非世所乏也至語大制作稽典謨而徵雅頌耀金石而播韶鈞卓然成一家之言非正音

欽定四庫全書

原序

大雅無以與此視鉤棘以為艱深蹇拙以為簡古數急以為緊嚴刻露以為勁峭施之先生真足汗流籍湜僕命騷耳而窘於步者常疾人之速乏於才者每忘人之多狹於施者輒憚人之廣故其得於公論為不少矣而私竊異論亦或有焉抑孰知源泉萬斛初不擇地而出其浩乎沛然者誠得於天分之本自高非徒力所能至也方之蘇氏父子將追坡翁以翺翔文章固自有定價亦惡可以無君子之論哉西山邵公濟之論柳文以為

文之行雖繫其所載猶有待焉為之紀次非其門人故  
吏則其親戚朋友自昔然矣聞禮之在門辱先生愛而  
教之顧無所肖似不足紀次惟是先生之文其不容泯  
者在人心公論四方後來願見者衆乃編彙為集凡四  
十卷爰鋟諸梓以俟君子其散落人間者將廣輯而續  
刊之不揆僭妄誠知無所逃罪抑編次之歲月不可以  
不之志焉而非私言也先生須溪劉氏諱將孫字尚友  
學者稱養吾先生云門人曾聞禮序

欽定四庫全書

養吾集  
原序

三

西漢之文幾三代品其高下賈太傅司馬太史第一漢  
文歷八代浸敝而唐之二子興唐文歷五代復敝而宋  
之五子出宋文人稱歐蘇蓋舉先後二人言爾歐而下  
蘇而上老蘇魯王未易偏有所取舍如道統之傳孔孟  
而顏曾子思固在其中豈三子不足以紹孔而劣於孟  
哉叙古文之統其必曰唐韓柳二子宋歐陽蘇魯王蘇  
五子也宋遷江南百五十年諸儒孰不欲以文自名可  
追配五子者誰與國初廬陵劉會孟氏突起而起一時

氣猷震耀遠邇鄉人尊之比于歐陽其子尚友式克嗣  
響夫一家二文人由漢迄今僅見眉山二蘇而尚友之  
嗣會孟不忝子瞻之嗣明允嗚呼盛矣然歐實宗韓明  
允乃以為非韓子之文而歐陽子之文劉與歐為同鄉  
而不專宗歐子亦以為非歐陽子之文而劉子之文也明  
允雄渾奇峭永叔儼以荀卿直躋之周秦間子瞻長江  
大河一瀉千里語者曰子瞻之文非明允之文也若會  
孟之詭詭變化而尚友之浩瀚演迤語者亦曰尚友之

欽定四庫全書

養吾集  
原序

四

文非會孟之文則為知言也已嗚呼百世之下有深於  
文者其亦然子斯論否乎尚友之門人曾聞禮編輯其  
文自附於韓門李漢子與尚友善素喜其文辭又嘉劉  
門之有南紀也是以序其卷首云泰定丙寅十二月之  
望臨川吳澂序

先兄養吾先生自少時侍先君子於古心江文忠公館  
中學為文出語驚人喧衆口達朝路及長習程文屢魁  
鄉校占前名老儒匠手敬服不惟抗衡且避其銳皆以



小須稱之先君晚年倦踈筆墨凡酬應者悉屬之先君  
棄世之後其文益工四方之求者如先君焉筆力豪膽  
袞袞莫竭議論援據一出於正而能俯仰隨時諧俗不  
驚揮毫漫興紙盡詞窮旁觀喑喑脫手若忘故所著述  
雖多而存藁亦少其壻曾以立慨然於樂天寫本傳兩  
家子孫珍藏之語遂編校刻而傳之以立親炙先兄既  
久才學日近詩文字法皆已逼真故於斯文不啻兩手  
分也今其所編者多所意授而非效李漢輩徵名者也  
欽定四庫全書  
原序  
五  
刻梓已成區區因得附名不朽并述其編次之意如此  
若夫先兄之文在人心公論非予淺陋者所能贊也泰  
定乙丑十月季弟參拜書

欽定四庫全書

養吾齋集卷一

元 劉將孫 撰

賦

黑猿賦

并序

當庭之前極豐草陰陰有猿時而游息以為

公娛命曰黑猿以強赤鳳并為之賦曰

參躔之精劍翁之孫潛心乎雲之易參色道妙之門黑

可以鑑照過於漆染煙化蒼莖雲守墨體崑崙之童烏

欽定四庫全書

養吾齋集  
卷一

面玉毫之團白臂通虛弓之長皮鬬鬚髮之澤龍戰野

之合氣龜裏骨之戴色豈烏孫之異種抑元夫之靈質

霧養潤而削鑿日舒光而藏碧墨卿之翠欲流黑靈之

冥逾鐵青玉環之迺竟醉道士之變石或騰而升或盤

而嬉聯絡東西之步扶搖下上之枝衣被泓穎之光發

舒老蒼之奇團鴉色之颺采淡螺丸之弄姿惟茲之儔

自來於羣白敎射於矢人赤駭夢於步兵青表道康之

童金記峽山之英每與人而相即浩變化之留名況夫



與天一同其體返無色幽其光固涅之而不可緇亦闇  
然而有餘章門列山房之玩庭止文字之祥勿長嘯而  
懷寥廓勿捷走而志飛揚優游右軍硯池之上食息笑  
啼墨竹之旁幸不為河東先生之所憎是可繼玉堂仙  
人之所謂黑衣郎也

騷

寒巖詞

余來延平首識沙陽張寒巖題其詩去之十

欽定四庫全書

養吾齋集  
卷一

八年忽相遇於劍溪之上出舊題一笑且示  
以寒巖圖邀予為之賦溪山渺然相視白首  
余固栖遲俛仰無以自異於昔而君亦蕭條  
獨往方欲托之此以老也其能無所感耶因  
倚風而為之詞曰

巖之上兮風蕭然蒼蒼之木兮與我齊年東風過之兮  
碧葉華鮮歲寒兮伴我我不遐兮載笑載言巖不寒兮  
以我我之寒兮吟肩我不厭其寒兮巖乎巖乎吾與爾

兮周旋

巖之下兮春草既綠風日豈不煖兮十寒一暴不改吾  
容兮植杖兮巖之曲豈不懷兮四方之人兮如玉寧此  
寒兮我獨秋風兮卷芳巖不動兮吟客比屋寒不可加  
兮如此而足笑四方兮春夢斯巖兮寧不我卜

山悠悠兮入雲眇荒荒兮無木仙之人兮何之浩東西  
兮何所於屋我欲從之兮石齧我足白雲兮遐矚毋我  
逝兮於我乎宿

欽定四庫全書

養吾齋集  
卷一

仙之人兮何年昔仙未來兮山與誰兮周旋仙不知其  
氏名兮山乃以仙而傳儻非是山兮仙亦泯然他山無  
仙兮亦浩蕩而蟬聯仙不少留兮山空而雲怨欲招仙  
兮問山山蒼蒼兮不能言

我昔對山兮三霜忽別山兮十五年而強我知我俗兮  
不敢與仙兮翱翔美人兮招我月露為之旌兮雲錦為  
之囊仙之人兮來思儻分我兮餘芳

五言古詩一

感遇

六經之為文其文汪以洋浩然如河漢萬古流清光斯  
文一變史理絀氣始張奇字挾幽眇陳說極煇煌豈不  
雄千古洪水之湯湯耳目雖可駭意象焉得望况如佔  
畢者呐呐宣文章淒其懷古心宇宙何微茫

讀書初何為耿耿各有意精神在宇宙沙滓為文字聖  
賢不自遇存此俟來世悠悠空言載未墜猶既墜徒然  
三千年竟未見行事誰知此空言亦復有時廢來者愈

欽定四庫全書

卷一

難知傷哉聖賢志

道本無一言無言乃為天傳心不傳言所謂以是傳回  
愚參也唯由賜未足賢多言固破碎不言非空玄向非  
載六籍何用行千年沉酣文義間于此求大全赫然廢  
興統欲奪王伯權何斯黃面老不立言語禪悟入得近  
似捷解馳聯翩盡驅諸夏豪墮落彼中邊悄悄八九公  
一二挽百千書多言自長心苦辦愈堅至今講糟粕未  
得離蹄筌

王言貴深渾此道何久荒斷從西漢下偶儷為辭章剪  
截鬪纖巧何異于優倡代言襲一律設科號詞場个字  
誇歇後度詞競遺忘綴拾蟻注字套類蜂分房謂此臺  
閣體哀哉虞夏商我欲揭古書使識謨洋洋又恐做大  
詰句字摹偏旁

文章猶小技何况詩云云沛然本情性以是列之經賡  
歌五字始雅頌譜律聲蘇李非騷客醇倡流中情噫嘻  
建安來雅道日以湮晉人善語言其言明且清少許勝

欽定四庫全書

卷一

多多飄蕭欲通靈使其入韻語豈但諸子鳴安得三謝  
辭遠與陶阮并唐風晚逾陋宋作高入論遂令後來者  
末流騁縱橫高者倣選體下者唐作程

古興呈鮫事王朋益

鳳凰擇朝陽千仞不下視羣狡鳳無能百鳥鳳獨貴丹  
山有梧桐中夜降甘露苟無饑與渴潔身故為瑞  
猛虎嘯陰風百里為慘淒深山復長谷獵者安所施威  
行豈顧奔變或所不疑養威貴善用慎勿輕出之



豺狼煽為羣朝暮據路歧樵蘇不敢度吮血為之肥噬

吞各飽去遠引如能飛朝朝南山獵獨得孤兔歸

蜘蛛結小網密密覆修竹徐行冒我巾仰視眩我目跼

蹐不能言低徊入復出天明屬不照風雨曷無力

孔雀出炎海毛羽異復馴舒翼為光采娛我主與賓置

之雕籠中撫玩誠足珍詎知毛羽異其毒能殺人

鵲或好義者鷲搏有異才同類有不平極力為陷推江

南多蝮蟒盜搏情可哀蕭條呼鷹臺安得爾一來

欽定四庫全書

卷一

六

一鳥延秋啼百鳥畢逋應山中傾鵲巢橫絕無敢競飛

鳴啄腥腐意得志適逞哀哀失巢鵲飛鳴不能進

巢蜂巢高高時出撓行客撲之不能盡彈之愈飛集舉

火往攻之颺去不留迹蜂雖暫得息喬木損可惜

蠹生文字間終老無所遷方冊穿欲罄滯死不得僊年

年七月曝薄福亦莫延不飲復不食性命絕可憐

海燕重歸來春風漫能語故人渺何之今人不我處風

塵正眯目荆棘動成阻安得畫堂成銜泥入君戶

### 記夢

縹緲蓬萊宮夜夢僅能至幸瞻金華伯手授瓊笈記文

辭雜篆籀反覆未了義侍臣撫掌笑正坐汝識字

凡骨未易換十年巢名山服食學龜蛇沆瀣充朝餐道

逢洞中仙哂我枯槁頗與我一頓飯火食如人間

嚴嚴青華君英英藥宮仙靈房數千間玉姬美於蓮按

歌節金玉微粲傾嬋媛棄家漫學道仰視心悽然

洞府不可探棄命窮其深踐地狎虎吻攀藤陟遙岑羸

欽定四庫全書

卷一

七

糧久欲盡微覺徑可尋疾步得平處乃在故山陰

駭鸞越溟渤飛達靈芝宮羣仙有公事期集東海閭

言何當還却籍校未終俛坐默有悟猶在運數中

明明三山近每恨風引去多生得幸會乃一至其處仙

公賜卮酒辭謝飲非素顧謂速遣歸不飲安可度

避喧入山深松下有棋者旁觀記頃許歸視家已謝始

知逢仙人問道乃未暇不曉局何長一子久不下

白首讀丹經傳秘作丹竈辛勤道未成夢謁三神島稽

首願開度揺手謬探討節食省妄想全生以為寶  
傳藥不傳火至人有微言鉢兩刻進退屯蒙時朝昏自  
謂得道妙見笑於野人子心火未滅火候安得論  
瀛洲隔弱水丹表奏玉墀共惟普度慈曷不通一岐天  
顏感臣過仙伯怒臣癡儻非間絕許久已郡縣之

感興

飄風集亂雲頃刻墨四垂疾雷馮震電奔赴如恐遲咫  
尺不自辨混闢俱可疑海水當已立茅屋凜不支大聲  
欽定四庫全書

卷一

纔數點夕陽已逶迤區區不成雨何以作勢為

厥或抱危疾荏苒醫屢更既傷烏喙毒又以鍼砭并峻  
補力已微養病證復驚何人號國手參苓聊和平但令  
具衣冠不必完神明始知良醫訣不死亦不生

叢祠闕荒毀草蔓森如束偶坐猶衣冠半體失腰腹規  
摹結構在風雨暗青綠倘無動人者何以有此屋謂此  
信有神今者一何感家國有廢興何況於土木

一水西來清一水東去渾清者綠波泚渾者黃流昏交

流不相入一線各一痕風掀不能混波激不能分百里  
猶固然到海始可吞人言水無定孰識有定存

河流瀉奔洪瞬息不可駐夾岸為洄波逆上可徐邈卷  
沙怒噴薄力盡成回互使皆如中流往者歸無路東急  
極得寬兩密疎有處物理無不然人心自難悟

雜詩

楚水浩浩白楚山悠悠青人生自失路山水初何情重  
華入愁雲闔闔環我纓快然各千載笑汝空一生長風

欽定四庫全書

卷一

渺湘波屈恨何由平

興衰晝夜事反覆今昔同可憐仁人心忍死不忍從明  
知力不及誰遣身適逢販鬻有奇利守方無駿功一餓  
西山西一霸東海東

人生無智愚用舍隨其向儻能采葑菲往往見所長  
當其未得意百計無一望因依豈非命遇合如有相張  
良本為韓陳平亦事項

才難聖所嘆千百不一全能言未易得况復可繼傳大



官老於事肉食偷目前方當竊光寵肯顧擇後賢絳灌  
第一語老死賈少年

事主敢不忠忠乃特未易捐軀欲奚為中道咄非意是  
非或有局忠邪亦易位一時容異見千古尚倒置嗚呼  
東市車此豈晁家事

大厦亦既顛一木何能扶况乃非棟梁曾不比樗櫟彼  
皆無責備此獨有遺誅公卿置何地文字累老儒寂寞  
揚子雲見稱莽大夫

欽定四庫全書

卷一

十

小兒必解事老父何足記頃時床下拜終古眼中媿新  
交陰郭家平視壽張氏風生臺閣上寵列諸王次固宜  
伏波翁歲晚困帝媚  
人或恃故素安可知平時誓忠益一語成嗔癡布衣忽  
逢青雲友舊意更先疑子陵作故態鼎足無益辭狂奴  
固當爾君房殊可兒

狂俠世共喜事敗有餘德咄哉皆惡子坐致人死力風  
塵豈純臣饑虎傳健翼君看刳昏者此豈嘗失職時平

一偷兒世亂兩漢賊

俗下未易居浮沉不可諧諛之為見玩嘿謂我不儕但  
平或可刳好語猶亂階不能皆達人誰當恕中懷德操  
尚可事逢人好復佳

百年未易料何往非失身功名固震世亦復多誤人中  
道失知己小兒共經綸千年出師表磊磊悲如新一笑  
孝正語此豈高光倫

勲業各有天才智竟無與伯符志不遂公瑾年忽暮高

欽定四庫全書

卷一

十一

臺銅雀春黃屋臺城路赤壁固依然江東兩抔土二喬  
幸遇君君亦二喬誤

英雄有惑志百鍊居然柔驅馳一世倦歷落身後愁遺  
言教賣履想見訣涕流美人內隱笑世子外回眸何待  
伏魄時已忘西陵丘

大緩人所有小靳非人情乘危作險語何能不疑嗔君  
心人豈知君語非所陳造然豈友道餘悔不蔽身暮年  
王茂弘流涕周伯仁

遂非何不至中媿鮮自道誰能當末路未肯忘始好初  
心盛德事日暮行顛倒古人有風致語竟見懷抱處仲  
思伯仁桓公念阿浩

名輩不可高同流何濁清名猶天所忌況乃自立名邈  
迨有相逢恩怨不自明虛裁了何益實患安可嬰平生  
庾元規晚拜陶士行

士貧患無主事主欲親已親猶恨不密密獲全者幾奸  
雄志負國疑忌及妻子此猶凜不保爾乃何足恃吐茵

欽定四庫全書

卷一

三

發殆哉窺牘噫死矣

少年輕前輩新貴喜失序虛名隨位起流俗浪交許英  
賢意寥落鼠子成乳虎歲寒何足較人事亦多故向來  
王逸少坐愧小懷祖

山河向寂寂喬木嗟久衰雲間昔記濫洛下相娛嬉朝  
遊王和同莫宿劉樂隨身猶先一輩事已被一時低徊  
渡江來乃識蔡充兒

人生有邂逅所托非所願物論極無情心迹誰與辨噫

嘻落帽狂豈有入幕戀髯叅與短簿談笑入文獻孟嘉  
盛德人老續桓溫傳

六合方內外意賞各一尚朱門玩海鷗故覺神氣王高  
履遊塵間談辨雄坐上或云古無有彼道焉得放不見  
元嘉間嘗有黑衣相

六姓更逐鹿南北沸問鼎熾然臚九錫紛若夢一頃何  
者非奕棋乃有愧未氓姪嘲子虛墓史謂士不遜如何  
千年齒獨笑彥回冷

欽定四庫全書

卷一

三

晉陽家化國首事子推父擒充又戮竇平吳遂誅武東  
宮漫長嫡統業誰基緒縱無元武門可但天策府頗笑  
魏鄭公歡取萬餘虜

語言誰不美肝肺鮮如流貫高對滕公令伯念母劉千  
年真寥寥情語罕其傳靈武黃爪辭蓬萊家事謀吾評  
唐名相三歎李鄴侯

知士明觀火仁人心持衡宦閣禍東都以權不以兵大  
歷衰失馭神策監專征任文固姦朋易置亦忠君崛彊

昌黎公易賦永貞行

論勢不論理盜或非所憎苟安不慮遠事有願因循涓涓既成河滔滔愈無津固知多荆棘長此待何人不曉白樂天風諫平藩鎮

宦海古風波高位危竿伎况復間亂離安所盡命義一朝姓七八忽起年三四富貴不掩身瞬息無唯類漫令馮瀛王得證佛地位

淵明節高世甲子書微茫子美窮念君同谷歌悲傷可欽定四庫全書

卷一

十四

憐天復未羈絏園困場故官署庚子事苦無名章得非韓致光坐累香奩香

遣興以韓詩名浮猶有耻味薄真自幸為韻

小窻兀然坐十月聞啼鶯高林已變衰四顧難為情風日豈不佳終非春晴明風流迫遲暮往苒餘虛聲過時雖見采亦復可憐生

吾衰未四十鬢已先秋秋如何百年內長負千載憂讀書或垂涕聞惡深已仇經營欲濟世衣食不自謀大哉

天壤間毋乃吾生浮

吾嘗內攻惡於世宜悔尤佳客纔周旋勝處必夷猶俗子殆糞土鄙言如穢羞時宜與我違富貴不我儔及我所知愛窮乃與我侔

端居閱世變反覆何不有金錢驕宦郎白首笑馮叟失時巧或拙顏貌妍亦醜紛紛外交惑往往顏不厚吁嗟自廉貞寂寞為誰守

平生所甚媿跋涉漸不耻我已悼本心人猶謂狂士不知諂諛者何物為心髓宣伊天又地別賦毛與裏悄悄自如疑茫茫安敢鄙

卷一

十五

吾生長過慮於世本寡味况復事遠遊屈身傍權貴冷

看望塵拜顧我猶得氣人品亦何殊宦途豈非畏善寶

千金軀勿犯世忌諱

朝日照盤蔬草具殊不惡書生多乖迂揆分合窮薄勿言一囊粟已有素餐作清談得飽食可復忘高閣君看風塵中幾人能寂寞



吾慕吾真長撥皮意皆真詎知深情子愛作多事人高  
標樹夷齊挾術包儀秦面如九秋霜心事百摺輪而彼  
必得志汝乃誰肯信

空庭得客語初月光滿地意賞未渠央浮雲遽何自須  
臾驚枕雨破夢不成睡蒼茫三更頃擽亂千古事何者  
非偶然維天正無意

臨風勿悵悵撫事勿耿耿人事十年間若此已僥倖高  
之汝安能卑之汝多幸一官固落拓舊夢閑自省長詠

欽定四庫全書

卷一

秋風歌孰非滄沱警

釋悲

我嘗釋人悲我悲誰釋之我悲不自釋始悟釋人非悲  
來如春江泛泛愈渺瀰倏忽為滔天歸海茫無期三生  
余何業皇降于百罹陽春如我擇霜雪獨我為平生懷  
耿耿嘗企古人齊人間尋常樂今羨東家兒悠悠皆勝  
我黯黯似我誰何意二十二為此憂患衰

與參議史文彬

聖賢所甚恨于世不無濟著書著其心留以俟來世豈  
非徒嚶嚶反覆事文義十年非無人位德不兩致浮沉  
落州縣俯仰媿名誼皇皇大行臺上幕用佳士平生父  
子間館穀抱奇字周旋屬何為耿耿亦有志庶幾行其  
言不負聖賢意

聖賢分易畫其道必貴中位以中為近道以中為隆至  
哉居此位可以收元功號呼俾上達潤澤得下通和之  
為甘雨化之為祥風天乎惠西江惠之以我公

欽定四庫全書

卷一

乾德一六合千古莫或先功業既如此扶持賴諸賢東  
南所以壞貪黷胥官聯甘言謾墻壁實害流林泉原推  
商監失此即周命延法度貴尚明文武各不偏備官必  
惟人以之為民天經綸有公等草野徒多言

風氣各不同情偽未易識膚受浸潤之明者或眩曲獄  
雖天下平冤或不能直死者不復生斷者不復續罪疑  
情可亮哀矜必三復在昔有仁人夜坐閔庶獄為言求  
其生不得意始足餘澤在子孫廊廟位接跡永命吁在

茲豈獨一人福

斯文天未喪人者自喪之興衰世所有此道寧相隨紛紛各改化更謂此一時讀書既自誤不忍復誤兒所憂十年後識字將亦稀長官至學校惠顧豈不私低徊不能振欲怨當歸誰此道凜未墮豈非逢良師

與龍仁夫共坐永業寺門信意成十詩

悠悠清江水一去何當歸東流已云急况乃風送之古塔臨寺門閨水幾盈虧相看共千載水塔兩無知感此

欽定四庫全書

卷一  
春吾齋集

忽自悟戚戚吾何為

颯颯松下風適從何方來向當炎熱時汝獨安在哉太虛本無有一氣閉或開當其不得志亮亦如吾儕蕭然持此念已足玩劫灰

我我百尺松一旦摧為炊主人豈不惜風力已拔之喬木臨東偏天矯更崔嵬外貌謾如許中空竟何為奈何談仙者每欲千歲期

粲粲飯如雪光滑照瓦盆安坐擇精美媿之不能殮已

憐力作者汗血為朝昏矧惟有大化何功勞營營天公甚辛苦人媿何可論

團團庭中桂盛夏暑其榮微風飄拂之一葉為瑱瑱深根正生息薄命先凋零因依不堅固風亦初何情置之勿復念有酒還當傾

促促籠中鷄交競相飛鳴洒血不自顧盛氣何崢嶸區區共握粟彼我安所爭賦命湯火中旦夕誰長生嗟汝尚若此奈何人心平

欽定四庫全書

卷一  
春吾齋集

栖栖梁間燕辛苦營其居秋風一吹去南北不可知重來擇故壘渺復容阿誰大化相推遷顛倒隨所之哀哉不任運而乃苦心為

薄薄一樽酒雖薄亦足歡千年知者少誰為君一歎紛紛何易醉耿耿醉獨難况有不能飲視此為憂端安得二三子攜之醉鄉間

唧唧壁間蛩長夜悲漫漫如恐言不盡歲月忽已闌惜時心獨苦受命風露間低徊初何求守節不敢閑物性